

## Transkription von Urkunde HST 1397a

Ort, Datierung: Stralsund, 1397-07-26

Signatur: Stadtarchiv Hansestadt Stralsund, StU 0551 [\[online\]](#)

Inhalt: Familie Horn: Quittung

---

Wy Lambrecht horn Margareta zyn husurowe vn(de) Conradus horn ere sone bekennen vn(de) betughen openbare in / desser scrift dat wy myd buraden müde vn(de) mid willen vn(de) vulbort vser erfnamen vn(de) vnser vrunde hebbe(n) redde=/liken vn(de) rekkeliken to eneme ewighen kope vorkoft vn(de) vorlaten vn(de) vorkopen vn(de) vorlaten in desser scrift deme / Erbaren Rade to deme sunde vnde eren menen nakomelingen dar wy vul vore entfanghen hebben to der / noghe êr der makinghe desses breues Alle vnse gud dat wy hat hebben to Cymmekendorp also dat licht bynne(n) / zynen scheden an akkere buwet vn(de) vnghebuwet an wische . weyde . watere . waterlop an møre an torue an struke / an buschen vn(de) anholte an wegghen an stegghen mid aller nût vn(de) vrucht de nu ist vn(de) de dar werden magh myd / aller rechticheit vn(de) vryheiden de dar to is also vrygh also vnse voruaren tovoeren vn(de) wy na dat alder vrygest ghe=/hat vn(de) beseten hebben vns dar nichtes ane tobeholdende vredesûmmeliken to ewigen tiden tohebbende tobesittende / vn(de) to brukende vn(de) to dunde darmede nach eren willen dit vorscreue(n) gud scole wy en waren na desser vorlatinghe / yar vn(de) dagh also yn deme lande recht is vor alle personen ghestlik vn(de) werlik de recht gheue(n) vn(de) nemen willen / dat alle desse stücke stede vn(de) vast blyue(n) so hebbe wy lambrecht vn(de) Conradus gheheten horn vorscreuen vnse yn=/gheseghele henghet vor dessen breff Tughe desses dinghes zint de nomeaftighen lude also peter dersekendorp / hermen van deme tôrne Clawes van deme torne Arnd nypertze pritbern van derlauken de to eyner witlicheit / desser vorscreue(n) dink hebben ere yngheseghele mede ghehenghet an dessen breff , Ghegheue(n) to deme sunde na / godes bord drutteyn hundert yar dar na yn deme seuenneghentighsten yare des neghesten daghes na sûnte / Jacobes daghe des hilghen apostel(es)